



Iniziativa cunter la chatscha speziala

La regenza recumonda al cussegl grond da refusar l'iniziativa per abolir la chatscha speziala.

2



Nova presidenta dal cumin-baselgia Alvra

Adelheit Hohlwegler-Augustin è la nova presidenta dal cumin-baselgia Alvra ch'è en dispita.

8

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

«Amur senza fin» a Sagogn

Presentaziun publica digl'emprems film professiunal romontsch en tiara romontscha

DA MARTIN CABALZAR

■ Suenter la premiera mundiala a Locarno vegn il film romontsch «Amur senza fin» presentaus questa fin d'jamna a Sagogn. Dalla partida ein era ils protagonistis dil film e la crew. Damai che la premiera ch'ha liug sonda allas 20.00 frunta gia oz sin fetg grond interess vegn presentau dumengia, ils 26 d'uost allas 17.00 ina premiera supplementara en halla plurivalenta. L'emprema difusiun alla televisiun ha liug dumengia, ils 23 da settember allas 20.05 sin SRF1. Il film ficziunal tematisescha realmein veta e modas da viver en in vitg muntagnard e romontsch. Suenter 20 onns veta matrimoniala ei il fiug denter Mona e Gieri daventaus falombbers. Mona decida d'encurir agid tier Nanda Sharma, il niev plevon cun ragischs ell'India. Quel dat buca mo cussegls pastorals, mobein encuraschescha ella da far diever da mieds dil tutfatg profonds e da s'approfundir egl art dall'amur. E gia entschveia la cumedia che metta in vitg en alteraziun. Iniziant e redactur da quei project singular per la Romontschia ei Mariano Tschuor, igl anteriur directur



Protagonistas e protagonistis dil film «Amur senza fin»: Bruno Cathomas, Rebecca Indermaur, Christoph Schaub, Tonia Maria Zindel e Beat Marti (da sen.).

FOTO P. MOSCA

dad RTR, staus. Il libret deriva da Tonia Maria Zindel (Scuol), Beat Sabina Pochhammer, Cristoph Staub Marti (Cuera), Marietta Jemmi (Flem), René Schnoz (Mustér), Anita Iselin (Andeer), Muriel Degonda (Sumvitg), Peter Jecklin (Cuera), Bruno Cathomas (Laax), gen). Il tagl da film ha Gion-Reto Killias d'Andiast fatg. La Quotidiana ha discurreu cugl iniziand e redactur Mariano Tschuor.

> PAGINA 3



Ün purtret chi lascha batter plü ot il cour da mincha chatschader. MAD

Muossar responsabilità invers las bes-chas

■ (anr/bcs) In discuors cul guardgiasulvaschina, Curdin Florienth da Ftan, vain l'interessà a savair il dret cumpurtimaint tanter umans e bes-chas. La plü blera lavur ha Florienth, chi'd es responsabel pel district 10 dal Grischun e per seis collavuratuors, dürant il temp da chatscha. Però eir d'inviern sun el e Not Pua, Raffael Soldano ed Eugen Jenal activs pro

la dombraziun da bes-chas e pro l'observar il svilup da la populaziun. Els dvaintan eir activs pro accidaints tanter autos e bes-chas e pon güdar insembel culla pulizia ad automobilists chi nu san che chi han da far. Lur lavur cumpiglia eir ils examens da chatscha e la vendita da las patentas da chatscha.

> PAGINA 7



Mattiu Defuns ed Ivo Orlik (da sen.) concerteschan en scolas sursilvanas per presentar lur novs albums. MAD

Novas canzuns romontschas

■ (anr/sr) Quest meins concerteschan Giganto alias Ivo Orlik e Mattiu Defuns en differentas scolas dalla Surselva. Ils dus cantauturs romontschs van sin turnea da promoziun per lur novs albums che cumparan aunc uonn. Ils concerts a Vella, Cuschnaus, Mustér, Glion e Laax ein gratuits e publics e leu presentan Giganto e Mattiu lur novas canzuns ch'ei quasi tut-

tas romontschas. Sin mintga album cumparan era enzacontas canzuns comunablas da Giganto e Mattiu. «Igl intent dalla turnea da promoziun ei da concertar e far reclama per nos products tier nos fans e tiels fans dil futur», ha Orlik declarau all'Agentura da novitads rumantscha.

> PAGINA 6

Bikemaraton Parc nazional

■ (rtr) Al Bikemaraton dal Parc nazional ston tut las participantas ed ils participants partir da S-chanf. Il comité d'organisasiun mida il percurs dal maraton a moda drastica perquai che la previsiun da l'aura è memia schletta. Stgars trais dis avant la partenza dal Bikemaraton haja il comité d'organisasiun analisà la prognosa da l'aura ed haja prendi differentas mesiras: Ils 25 d'avust partan tut ils participants e las participantas da tut ils trajects e da tuttas categorias per il maraton da 47 kilometers. Ils posts a Scuol, Fuldera e Livigno vegnan schliads e spustads a S-chanf. Il ferm vent, la plievgia e las temperaturas spetgadas sforzan il comité d'agir en num da la segirezza per tut ils participants ed era dals gidanters. Il comité d'organisasiun n'haja vis nagin'autra tscherna, deplurescha il president dal comité Claudio Durschletta. «Uschia na stuain nus betg disdir il maraton, dentant stuain nus guntgir sin in'alternativa gravanta. Nus chapin che nus trumpain blers participants e participantas motivads. Dentant è lur sanadad il pli impurtant», di il responsabel Durschletta.

Da Gadastatt a Zervreila

Dil boom da viagiari profitescha era la Val Sogn Pieder

DA SUSI ROTHMUND / ANR

■ Viagiari ei el trend e da quel profiteschan buca mo ils amatur dalla natira, mobein era ils turistichers ellas destinaziuns els aults. Aschia era la Val Sogn Pieder che posseda ina extendida e buna reit da sendas da viandar. L'Agentura da novitads ruman-

tscha ha visitau la senda da viandar denter Gadastatt ed il lag da fermada Zervreila. Tenor Maurus Tomaschett, il menader dallas Penticularas Vals 3000, ei quella senda il «toc da filet» dalla destinaziun ed ei aviarta da stad ed unviern. Las caliras da questa stad han carmalau massa hosps da vacanzas e dil di els aults e sco Toma-

schett ha saviu informar scrivand las Penticularas Vals 3000 tochen la fin fenadur 39,2% dapli empremas frequenzas en cumparegliaziun cugl onn vargau. «Nus discurren definitivamein d'ina buna stad», ha il menader dallas Penticularas Vals 3000 confirmau.

> PAGINA 5



La senda da viandar da Gadastatt a Zervreila en Val Sogn Pieder ei in magnet turistic da stad ed unviern. FOTO S. ROTHMUND



40034

Servetsch d'abunents e da distribuziun: tel. 0844 226 226 mail: abo@somedia.ch